



Lov for Rosendal Turnlag skipa 28.juni 1901

Lov for Rosendal Turnlag¹, skipa 28.06.1901, med seinare endringar, seinast av 10.02.2013, godkjend av Hordaland idrettskrets 14.01.2014 .

I. INNLEIANDE REGLAR

§ 1 Formål

(1) Rosendal Turnlag sitt formål er å drive idrett organisert i Norges idrettsforbund og olympiske og paralympiske komité (NIF).

¹ Idrettslaget sitt namn må vere i samsvar med NIF si forskrift om namn på idrettslag.

(2) Arbeidet skal pregast av frivilligheit, demokrati, lojalitet og likeverd. All idrettsleg aktivitet skal byggje på grunnverdiar som idrettsglede, fellesskap, helse og ærlegdom.

§ 2 Organisasjon

(1) Rosendal Turnlag er sjølveigande og frittståande med berre personlege medlemmer.²

(2) Rosendal Turnlag er medlem av det/dei særforbund som laget sitt årsmøte bestemmer.³

(3) Rosendal Turnlag er medlem av NIF gjennom Hordaland idrettskrets, høyrer heime i Kvinnherad kommune, og er medlem av Kvinnherad idrettsråd⁴.

(4) Rosendal Turnlag skal følgje NIF og tilslutta organisasjonsledd sitt regelverk og vedtak. NIF-lova gjeld for idrettslaget uavhengig av kva som måtte stå i Rosendal Turnlag si eiga lov.

§ 3 Medlemmer

(1) Alle som aksepterer Rosendal Turnlag og overordna organisasjonsledd sine lover og vedtak kan bli tatt opp som medlem. Ein søkjar kan ikkje bli medlem utan at økonomiske plikter til Rosendal Turnlag og andre organisasjonsledd i NIF er gjort opp.

(2) Medlemskap kan nektast ved særlege høve. Rosendal Turnlag si avgjerd kan klagast til idrettskretsen. Klagefristen er 3 veker etter at vedtaket er motteke. Idrettskretsen si avgjerd kan klagast til Idrettsstyret innan 3 veker etter at rekommandert melding er motteken.

(3) Medlemskap i Rosendal Turnlag er først gyldig og vert rekna frå den dag første kontingent er betalt.

(4) Medlemeren pliktar å rette seg etter NIF, tilslutta organisasjonsledd og Rosendal Turnlag sitt regelverk og vedtak.

(5) Utmelding skal skje skriftleg og får verknad når den er motteken.

² Personlege medlemmer betyr at idrettslaget ikkje kan operere med andre typar medlemskap, som til dømes familiemedlemskap og firmamedlemskap. At idrettslaget har ei ordning for familiekontingent er å sjå på som ei rabattordning, og har ikkje noko med sjølve medlemskapen å gjere. Medlemmer skal difor registrerast enkeltvis.

³ Idrettslaget må vere medlem i det/dei særforbund som laget sine idrettsgreiner omfattar, med mindre laget berre driv mosjonsidrett som ikkje er organisert av eit særforbund i NIF, jf. NIF-lova § 10-1. Dette skal kome fram av idrettslaget sin organisasjonsplan. Det er årsmøtet i idrettslaget som vedtek kva for idrettar idrettslaget skal organisere, og vedtek innmelding/utmelding i aktuelle særforbund.

⁴ Idrettslag kan berre vere medlem av eitt idrettsråd. Dersom idrettslaget sitt naturlege område strekkjer seg over meir enn ein kommune, avgjer idrettslaget sitt årsmøte ved vedtak om lovending kva for idrettsråd det høyrer til.

(6) Rosendal Turnlag kan ta medlemskap frå medlem som etter purring ikkje betalar fastsett medlemskontingent. Medlem som skuldar kontingent for to år taper automatisk sitt medlemskap i Rosendal Turnlag og skal strykast frå laget si medlemsliste. Medlem som har tappt sin medlemskap kan ikkje takast opp att før skuldig kontingent er betalt.

(7) Rosendal Turnlag skal føre medlemslister.

(8) Rosendal Turnlag pliktar å føre elektroniske medlemslister i idretten sitt nasjonale medlemsregister i tråd med forskrift gitt av Idrettsstyret.⁵

§ 4 Medlemskontingent og avgifter

Medlemskontingenten vert fastsett av årsmøtet. Andre avgifter/eigendelar kan krevjast for deltaking i Rosendal Turnlag sine aktivitetstilbod.

II. TILLITSVALDE OG TILSETTE

§ 5 Kjønnfordeling

(1) Ved val/oppnemning av representantar til årsmøte/ting, samt medlemmer til styre, råd og utval mv. i Rosendal Turnlag, skal det veljast personar frå begge kjønn.

(2) Samansetjinga skal samsvare i høve til kjønnfordelinga i medlemsmassen, likevel slik at det skal vere minst to personar frå kvart kjønn der det vert valt eller oppnemnt meir enn 3 personar. Der det blir valt eller oppnemnt 3 personar eller færre, skal begge kjønn vere representert. Representant for dei tilsette tel ikkje med ved utrekning av kjønnfordelinga.

(3) Idrettskretsen kan, når det ligg føre særlege tilhøve, gje dispensasjon frå denne regelen.

(4) Idrettsstyret kan gi forskrift om nærare vilkår for dispensasjon og konsekvensane av manglande oppfyljing av regelen.⁶

§ 6 Generelle reglar om stemmerett, kven som kan veljast, forslagsrett m.v.

(1) For å ha stemmerett og kunne veljast må ein vere fylt 15 år, ha vore medlem av Rosendal Turnlag i minst ein månad og ha oppfylt medlemskrava⁷. Ingen kan møte eller stemme ved fullmakt.

(2) Ein arbeidstakar i Rosendal Turnlag har ikkje stemmerett på laget sitt ordinære eller ekstraordinære årsmøte. Dette gjeld ikkje for spelar/utøvar med kontrakt og medlemskap i Rosendal Turnlag.

⁵ Ordninga trer først i kraft når Idrettsstyret bestemmer det.

⁶ Sjå forskrift til NIF-lova § 2-4.

⁷ Til dømes skuldig kontingent.

(3) Ein person kan ikkje samtidig ha meir enn eit av følgjande verv i idrettslaget: medlem av styret, valkomitéen, kontrollkomitéen, lovutvalet , revisor.

(4) Ein person kan ikkje ha tillitsverv knytt til same idrett i fleire idrettslag som deltek i same konkurranse.

(5) Engasjert revisor har talerett på ordinært og ekstraordinært årsmøte i saker som ligg innanfor sitt arbeidsområde.

(6) Representant frå overordna organisasjonsledd har talerett på ordinært og ekstraordinært årsmøte i idrettslaget.

(7) Med forslagsrett er meint retten for medlem til å fremje forslag til Rosendal Turnlag sitt årsmøte og til å fremje forslag under årsmøtet.

§ 7 Representasjonsrett og vilkår for val av arbeidstakar og oppdragstakar

(1) Ein arbeidstakar i Rosendal Turnlag kan ikkje veljast til verv i laget eller overordna organisasjonsledd. Tillitsvalt som får tilsetjing i Rosendal Turnlag pliktar å gå ut av tillitsvervet, og går inn att i vervet når tilsetjingstilhøvet er avslutta.

(2) Ein arbeidstakar i Rosendal Turnlag kan ikkje veljast eller oppnemnast som representant til årsmøte/ting eller møte i overordna organisasjonsledd.

(3) Første og andre ledd gjeld ikkje for arbeidstakar som er spelar/utøvar med kontrakt og medlemskap i Rosendal Turnlag.

(4) Regelen skal brukast tilsvarande på person som har oppdragsavtale som i omfang kan samanliknast med eit tilsetjingstilhøve i Rosendal Turnlag.

(5) Denne regelen er ikkje til hinder for at Rosendal Turnlag gir dei tilsette rett til å peike ut ein eller fleire medlemmer mellom dei tilsette til laget sitt styre.

(6) Idrettskretsen kan, når det ligg føre særlege tilhøve, gi dispensasjon.

(7) Idrettsstyret kan gi forskrift om nærare vilkår for dispensasjon.⁸

§ 8 Vilkår for val, og representasjonsrett for andre personar med tilknytning til Rosendal Turnlag

(1) Ein person som har avtale med Rosendal Turnlag som gir vedkomande økonomisk interesse i drifta av Rosendal Turnlag, kan ikkje veljast til verv innan laget eller overordna ledd. Det same gjeld styremedlem, tilsett i eller aksjonær med vesentleg påverknad i ein juridisk person med økonomisk interesse i drifta av laget. Avgrensinga gjeld ikkje for styremedlem oppnemnt av Rosendal Turnlag. Tillitsvald som får slik

⁸ Sjå forskrift til NIF-lova §§ 2-6 og 2-7

avtale, styreverv, tilsetjing eller eigardel, pliktar å gå ut av tillitsvervet, og går inn att når tilhøvet er avslutta.

(2) Person som etter første ledd ikkje kan veljast, kan heller ikkje veljast eller oppnemnst som representant til årsmøte/ting eller møte i overordna organisasjonsledd.

(3) Idrettskretsen kan når det ligg føre særlege tilhøve gi dispensasjon.

(4) Idrettsstyret kan gi forskrift om nærare vilkår for dispensasjon.⁹

§ 9 Inhabilitet

(1) Ein tillitsvald, oppnemnd representant eller tilsett i Rosendal Turnlag er inhabil til å leggje til rette grunnlaget for ei avgjerd eller til å treffe avgjerda:

- a) når vedkomande sjølv er part i saka.
- b) når vedkomande er i slekt eller svogerskap med ein part i oppstigande eller nedstigande linje eller i sidelinje så nær som søsken.
- c) når vedkomande er eller har vore gift med eller er forlova eller sambuar med ein part.
- d) når vedkomande er leiar for eller har leiande stilling i eller er medlem av styret i eit organisasjonsledd eller annan juridisk person som er part i saka.

(2) Sameleis er vedkomande inhabil når andre særeigne tilhøve ligg føre som er eigna til å svekke tilliten til om vedkomande er upartisk; mellom anna skal det leggjast vekt på om avgjerda i saka kan gi særleg fordel, tap eller ulempe for vedkomande sjølv eller nokon som vedkomande har nær personleg tilknytning til. Det skal også leggjast vekt på om inhabilitetsmotsegn er reist av ein part.

(3) Er ein overordna inhabil, kan avgjerd i saka heller ikkje treffast av direkte underordna i Rosendal Turnlag.

(4) Inhabilitetsreglane skal ikkje brukast dersom det er innlysande at den tillitsvalde, oppnemnde representanten eller tilsette si tilknytning til saka eller partane ikkje vil kunne påverke vedkomande sitt standpunkt og idrettslege interesser ikkje tilseier at vedkomande bør vike sete.

(5) Med part er det her meint person, medrekna juridisk person, som ei avgjerd rettar seg mot eller som saka elles direkte gjeld.

(6) I styret, komitear og utval tek organet sjølv avgjerd, utan at vedkomande medlem deltek. Dersom det i ei og same sak kjem opp spørsmål om inhabilitet for fleire medlemmer, kan ingen av dei delta i avgjerda av sin eigen eller ein annan medlem sin habilitet, med mindre organet elles ikkje ville vere vedtaksført i spørsmålet. I sistnemnde

⁹ Sjå forskrift til NIF-lova §§ 2-6 og 2-7.

tilfelle skal alle møtande medlemmer delta. Medlemeden skal i god tid seie frå om tilhøve som gjer eller kan gjere vedkomande inhabil. Før spørsmålet vert avgjort, bør varamedlem eller annan person som kan tre inn i staden for, kallast inn til å møte og delta i avgjerda, dersom det kan gjerast utan vesentleg bruk av ekstra tid eller kostnad.

(7) Ved andre høve tek vedkomande sjølv avgjerda om vedkomande er inhabil. Dersom ein part krev det, og det kan gjerast utan vesentleg ekstra bruk av tid, eller vedkomande elles finn grunn til det, skal vedkomande sjølv leggje fram spørsmålet for sin næraste overordna til avgjerd.

(8) Regelen gjeld ikkje på årsmøtet i Rosendal Turnlag.

§ 10 Krav til vedtak, fleirtalskrav og protokoll

(1) Når ikkje anna er bestemt, er styre, komitear og utval i Rosendal Turnlag vedtaksføre når eit fleirtal av medlemene er til stades. Vedtak vert fatta med fleirtal av dei gjevne stemmene. Ved likt stemmetal er møteleiar si stemme avgjerande.

(2) Vedtak kan fattast ved skriftleg sakshandsaming¹⁰ eller ved fjernmøte¹¹. Ved skriftleg sakshandsaming skal kopiar av dokument i saka sendast samtidig til alle medlemmer med forslag til vedtak. Gyldige vedtak krev at fleirtalet av medlemene gir sin tilslutnad til det framlagde forslaget, og til at dette vert gjort etter skriftleg sakshandsaming. Ved fjernmøte skal alle møtedeltakarane kunne høyre og kommunisere med kvarandre.

(3) Det skal førast protokoll frå styremøta.

§ 11 Tillitsvalde og refusjon av utgifter og tapt arbeidsforteneste. Godtgjersle

Tillitsvalde kan ta i mot refusjon for nødvendige, faktiske utgifter, inkludert tap av arbeidsforteneste, som vedkomande får i samband med utføring av vervet. Tillitsvalde kan ta i mot ei rimeleg godtgjersle for arbeidet sitt. Refusjon av tapt arbeidsforteneste og godtgjersle skal gå fram av vedteke budsjett og rekneskap. Styrehonorar skal kome fram i årsmeldinga.

III. ØKONOMI

§ 12 Rekneskap, revisjon, budsjett m.v.

(1) Rosendal Turnlag er rekneskaps- og revisjonspliktig.

(2) Idrettslag med årleg omsetnad på under kr 5 millionar skal følgje NIF sine rekneskaps- og revisjonsreglar. Andre idrettslag skal følgje rekneskapsreglane i rekneskapslova og revisjonsreglane i revisorlova, og skal engasjere revisor og velje kontrollkomité. Kontrollkomiteen sine oppgåver følgjer av NIF-lova § 2-12.

¹⁰ Til dømes møte per e-post

¹¹ Til dømes møte per telefon/videokonferanse

(3) Bankkonti skal vere knytt til Rosendal Turnlag og skal disponerast av to personar i fellesskap. Underslagforsikring skal vere teikna for dei som disponerer.

(4) På årsmøtet skal det fastsetjast budsjett som inneheld alle hovudpostar i resultatrekneskapen. Rekneskap og budsjett for idrettslag som er organisert med grupper/avdelingar, skal også omfatte rekneskapa og budsjetta for gruppene/avdelingane, og skal følgje oppsettet i Norsk Standard kontoplan.

(5) Budsjettet skal vere realistisk, og resultatet skal ikkje vise underskot med mindre det vert dekt av positiv eigenkapital.

(6) Rosendal Turnlag kan ikkje gi lån eller stille garantiar for lån dersom ikkje lånet eller garantien har sikring med trygg pant eller annan fullgod sikring. Sikring for lån og garantiar skal opplysast i note til årsoppgjeret.

(7) Disposisjonar av ekstraordinær karakter eller vesentleg omfang i høve til Rosendal Turnlag sin storleik og verksemd, også låneopptak, skal vedtakast av årsmøtet. Årsmøtet bør vedta eit særskilt fullmaktsreglement knytt til slike disposisjonar.

IV. ÅRSMØTE, STYRE, UTVAL MV.

§ 13 Årsmøtet

(1) Årsmøtet er Rosendal Turnlag sitt høgste styringsorgan, og skal haldast kvart år i februar¹² månad.

(2) Styret kallar inn til årsmøte minst ein månad på førehand, direkte til medlemene, eventuelt på annan forsvarleg måte og/eller ved kunngjering i pressa, eventuelt på laget si internettside. Innkallinga kan vise til at saksdokumenta vert gjort tilgjengeleg på internett eller på annan forsvarleg måte. Forslag som skal handsamast på årsmøtet må vere sendt til styret seinast 2 veker før årsmøtet. Fullstendig sakliste og andre nødvendige saksdokument med forslag må vere tilgjengeleg for medlemene seinast ei veke før årsmøtet.

(3) Ved innkalling i strid med regelen, avgjer årsmøtet høvesvis ved godkjenning av innkalling og godkjenning av saklista, om årsmøtet er lovleg innkalla og om det er saker som ikkje kan handsamast.

(4) Alle medlemene i Rosendal Turnlag har tilgjenge til årsmøtet. Årsmøtet kan invitere andre personar og/eller media til å vere til stades, eventuelt vedta at årsmøtet berre er ope for medlemer.

¹² Idrettslaget må halde årsmøte for handsaming av rekneskap for året før innan utgangen av juni det etterfølgjande år.

(5) Årsmøtet er vedtaksført dersom det møter eit tal medlemer med stemmerett som minst svarar til talet på styremedlemer vedteke i Rosendal Turnlag si lov. Dersom årsmøtet ikkje er vedtaksført, kan det innkallast til årsmøte på nytt utan krav om minimumsdeltaking.

(6) På årsmøtet kan det ikkje handsamast framlegg om endring i lov eller reglar som ikkje er ført opp på utsend/kunngjort sakliste. Andre saker kan handsamast når 2/3 av dei frammøtte med stemmerett på årsmøtet vedtek det, ved godkjenning av saklista.

§ 14 Leiing av årsmøtet

Årsmøtet vert leia av vald(e) dirigent(ar). Dirigenten(-ane) treng ikkje vere medlem av Rosendal Turnlag.

§ 15 Årsmøtet sine oppgåver

(1) Årsmøtet skal¹³:

1. Godkjenne dei som har stemmerett
2. Godkjenne innkallinga, saklista og møteregeleane
3. Velje dirigent(ar), referent(ar)¹⁴ og 2 medlemer til å skrive under protokollen
4. Handsame Rosendal Turnlag si årsmelding, irekna eventuelle gruppeårsmeldingar
5. Handsame Rosendal Turnlag sin rekneskap i revidert stand
6. Handsame forslag og saker¹⁵
7. Fastsetje medlemskontingenten
8. Vedta laget sitt budsjett
9. Handsame Rosendal Turnlag sin organisasjonsplan¹⁶
10. Gjere følgjande val:¹⁷
 - a) Leiar og nestleiar
 - b) 3 styremedlemmer¹⁸ og 1 varamedlem
 - c) Andre val i høve til organisasjonsplan vedteken av årsmøtet, jf. pkt. 9.
 - d) 2 revisorar¹⁹

¹³ Dersom saklista ikkje vert fullført, kan det kallast inn til framhaldande årsmøte. Slik innkalling skjer på tilsvarande måte som for ordinært årsmøte, men eventuelt med kortare frist godkjend av årsmøtet.

Framhaldande årsmøte kan berre handsame saker som var med i godkjend sakliste for årsmøtet.

¹⁴ Verken dirigent eller referent må vere medlem i idrettslaget, sjå også § 14.

¹⁵ Forslag i saklista samt eventuelle forslag som årsmøtet, ved godkjenning av saklista, har vedteke å handsame etter eit vedtak av 2/3 av dei med stemmerett på årsmøtet.

¹⁶ Organisasjonsplanen skal regulere den interne organiseringa og aktiviteten i idrettslaget.

¹⁷ Dette er minimum av dei tillitspersonar som skal veljast på årsmøtet. Årsmøtet kan i tillegg velje andre tillitspersonar det er behov for.

¹⁸ Tal styremedlemer og varamedlemer må fyllast ut ved vedtak av lova, minimum 1 styremedlem og 1 varamedlem. Styremedlemene kan veljast til spesifikke oppgåver.

¹⁹ Idrettslag med årleg omsetnad på meir enn kr 5 millionar pliktar å ha engasjert revisor, jf. NIF-lova § 2-11, og må ta inn følgjande som nytt punkt 10 i § 15: «Engasjere statsautorisert/registrert revisor til å revidere idrettslaget sin rekneskap.» Punkt 10 må forskyvast til nytt punkt 11 og punkt 11 (før punkt 10) bokstav d) endrast til: «Kontrollkomité med 2 medlemer og 2 varamedlemer».

- e) Representantar til ting og møte i dei organisasjonane som idrettslaget har representasjonsrett
- f) Valkomit  med leiar og 2 medlemmer og 1 varamedlem for neste  rsm te.

(2) Leiar og nestleiar skal veljast enkeltvis. Dei andre medlemene til styret skal veljast samla. Deretter skal varamedlemene veljast samla, og ved skriftleg val vert rekkjef lgja avgjord i h ve til stemmetala.

(3) Valkomiteen skal veljast p  fritt grunnlag, etter innstilling fr  styret.

  16 Stemmegjeving p   rsm tet

(1) Med mindre noko anna er fastlagt i denne lova, skal eit vedtak, for   vere gyldig, vere gjort med vanleg fleirtal av dei avgjevne stemmene. Ingen representant har meir enn ei stemme. Ingen kan m te eller stemme ved fullmakt. Blanke stemmer skal reknast som ikkje avgjevne.

(2) Alle val skal vere skriftlege dersom det ligg f re meir enn eit framlegg, eller det vert fremja krav om det. Dersom det skal vere skriftleg val, kan berre f reslegne kandidatar f rast opp p  stemmesetelen. Stemmesetlar som er blanke, eller som inneheld kandidatar som ikkje er f reslegne, eller ikkje har det tal det skal stemmast over, tel ikkje, og stemmene skal reknast som ikkje avgjevne.

(3) N r eit val vert halde enkeltvis, og ingen kandidat oppn r meir enn halvparten av dei avgjevne stemmene, skal det vere omval mellom dei to kandidatane som har f tt flest stemmer. St r kandidatane likt etter omvalet, vert valet avgjord ved loddtrekking.

(4) N r fleire skal veljast ved ei r ystring, m  alle ha meir enn halvparten av dei avgjevne stemmene for   valde. Dette gjeld ikkje ved val av varamedlemmer. Om ikkje mange nok kandidatar f r dette i f rste omgang, er dei valde som har f tt meir enn halvparten av stemmene. Det vert s  omval mellom dei kandidatane som st r att, og etter denne r ystringa er dei valde som har f tt flest stemmer. St r nokon likt etter omvalet, vert dette avgjord ved loddtrekking.

(5) For   vere gyldig m  val vere gjennomf rt i samsvar med NIF-lova    5 til 8.

  17 Ekstraordin rt  rsm te

(1) Ekstraordin rt  rsm te i Rosendal Turnlag vert innkalla av idrettslaget sitt styre minst 14 dagar p  f rehand etter:

- a) Vedtak p   rsm tet i Rosendal Turnlag
- b) Vedtak i styret i Rosendal Turnlag
- c) Vedtak av styret i overordna organisasjonsledd
- d) Skriftleg krav fr  1/3 av dei medlemene i Rosendal Turnlag som har stemmerett.

(2) Ekstraordinært årsmøte vert innkalla direkte til medlemene, eventuelt på annan forsvarleg måte, medrekna ved kunngjering i pressa, eller på Rosendal Turnlag si internettside. Sakliste og nødvendige saksdokument skal følgje innkallinga. Innkallinga kan vise til at saksdokumenta vert gjort tilgjengeleg på internett eller på annan forsvarleg måte.

(3) Ekstraordinært årsmøte er vedtaksført dersom det møter eit tal medlemmer med stemmerett som minst svarar til talet på styremedlemmer vedteke i Rosendal Turnlag si lov. Dersom det ekstraordinære årsmøtet ikkje er vedtaksført, kan det innkallast til årsmøte på nytt utan krav til minimumsdeltaking.

(4) Ekstraordinært årsmøte i Rosendal Turnlag skal berre handsame dei sakene som er med i vedtaket eller i kravet om innkalling av årsmøtet.

§ 18 Rosendal Turnlag sitt styre

(1) Rosendal Turnlag vert leia og forplikta av styret, som er laget sitt høgste styringsorgan²⁰ mellom årsmøta.

(2) Styret skal:²¹

- a) Setje i verk årsmøtet og overordna organisasjonsledd sitt regelverk og sine vedtak
- b) Sjå til at Rosendal Turnlag sine midlar vert brukt og forvalta på ein forsiktig måte i samsvar med dei vedtak som er fatta på årsmøtet eller av overordna organisasjonsledd. Styret skal vidare sjå til at Rosendal Turnlag har tilfredsstillande organisering av rekneskaps- og budsjettfunksjonen, og har forsvarleg økonomistyring
- c) Etter behov oppnemne komitéar/utval/personar for spesielle oppgåver og utarbeide mandat/instruks for desse
- d) Representere Rosendal Turnlag utetter
- e) Oppnemne ansvarleg for politiattestordninga.²²

(3) Styret skal halde møte når leiaren bestemmer det eller eit fleirtal av styremedlemene krev det.

§ 19 Grupper/avdelingar/komitear

²⁰ Dersom laget har fleire gruppestyre, er det berre idrettslaget sitt hovudstyre som leier og forpliktar laget. Denne høgste avgjerdsmakta kan ikkje, verken heilt eller delvis, delegerast til andre organ/personar innan laget. Dette tilseier mellom anna at det berre er idrettslaget sitt hovudstyre (der laget har grupper/avdelingar med eigne styre) som kan tilsetje personar, gjere marknadsavtalar, eventuelt andre avtalar som forpliktar idrettslaget juridisk.

²¹ Dette er eit minimum av kva for oppgåver som skal leggjast til styret. Idrettslaget står fritt til å leggje til andre styreoppgåver her.

²² Ansvarleg for ordninga med politiattest er påkravd for alle idrettslag som organiserer aktivitet for mindreårige og/eller menneske med nedsett funksjonsevne.

(1) Valkomiteen skal leggje fram innstilling på kandidatar til alle tillitsverv som skal veljast på årsmøtet, med unntak av valkomité. Medlem av valkomité som sjølv vert kandidat til verv, pliktar å tre ut av valkomiteen.

(2) Rosendal Turnlag kan organiserast med grupper og/eller avdelingar. Laget sitt årsmøte tek avgjerd om oppretting av grupper/avdelingar, og korleis desse skal organiserast og leiast. Avgjerd om dette vert gjort i tilknytning til årleg handsaming av Rosendal Turnlag sin organisasjonsplan, jf. § 15 (1) pkt. 9.

(3) Heile laget heftar for gruppene/avdelingane sine økonomiske plikter og ansvar, og grupper/avdelingar kan ikkje gjere avtaler eller representere Rosendal Turnlag utetter utan godkjenning frå styret, jf. § 18.

V. ANDRE REGLAR

§ 20 Allmenne disiplinærtiltak, sanksjonar etter kamp- og konkurransereglar, straffesaker og dopingsaker.

For allmenne disiplinærtiltak, sanksjonar etter kamp- og konkurransereglar, straffesaker og dopingsaker gjeld NIF-lova kapittel 11 og 12.

§ 21 Lovendring

(1) Endringar i denne lova kan berre vedtakast av ordinært eller ekstraordinært årsmøte i Rosendal Turnlag etter å ha vore ført opp på saklista, og krev 2/3 fleirtal av dei avgjevne stemmene.

(2) Lovendringar som følgje av endringar i NIF-lova, trer i kraft straks. Lovendringar vedtekne av Rosendal Turnlag sjølv trer ikkje i kraft før dei er godkjende av idrettskretsen. Godkjenninga er avgrensa til dei reglane som NIF-lova omfattar.

(3) I samband med godkjenninga kan idrettskretsen pålegge nødvendig endring for å unngå motstrid med NIF sitt regelverk.

(4) Endring i §§ 21 og 22 kan ikkje vedtakast av Rosendal Turnlag sjølv.

§ 22 Oppløysing - Samanslåing - Konkurs

(1) Forslag om oppløysing av Rosendal Turnlag må først handsamast på ordinært årsmøte. Vert oppløysing vedteke med minst 2/3 fleirtal, skal det innkallast til ekstraordinært årsmøte 3 månader seinare. For at oppløysing skal skje, må vedtaket også her gjerast med 2/3 fleirtal.

(2) Samanslåing med andre idrettslag vert ikkje rekna som oppløysing av laget.²³

²³ Ved samanslåing skal eldste skipingsdato og klubbnummer for dette idrettslaget nyttast.

Vedtak om samanslåing og nødvendige lovendringar knytt til dette skal gjerast i samsvar med vedtektene om lovendring, jf. § 21.

(3) I fall oppløysing eller anna avbrot av Rosendal Turnlag går laget sine overskytande midlar etter avvikling til eit føremål godkjent av idrettskretsen. Melding om at Rosendal Turnlag skal oppløysast, skal sendast til idrettskretsen 14 dagar før idrettslaget held ordinært årsmøte for handsaming av saka.

(4) Ved konkurs vert organisasjonsleddet rekna som oppløyst når konkurs er avslutta og det misser såleis medlemskapen i NIF.